

Broj: 08-1-22/12-74/24 M.B.  
Sarajevo, 19.01.2024. godine

BOSNA I HERCEGOVINA  
FEDERACIJA BOSNE I HERCEGOVINE  
SKUPŠTINA KANTONA SARAJEVO  
n/r Predsjedavajućeg Skupštine KS, Elvedin Okerić

BOSNA I HERCEGOVINA  
FEDERACIJA BOSNE I HERCEGOVINE  
SKUPŠTINA KANTONA SARAJEVO  
n/r zastupnika, Mahir Dević

**Predmet:** Odgovor na poslaničku inicijativu

**Veza:** Akt Skupštine KS br. 01-04-53807/23 od 29.12.2023. godine

Poštovani,

Postupajući u skladu sa aktom Skupštine Kantona Sarajevo, broj i datum navedeni u vezi, kojim je dostavljena zastupnička inicijativa za izmjene i dopune Zakona o lovstvu i Mjera u cilju sprečavanja šteta od divljači i na divljači, koju je podnio zastupnik Mahir Dević, dajemo sljedeći:

## ODGOVOR

Sprečavanje i nadoknada štete od divljači i na divljači u lovištu propisana je Zakonom o lovstvu ("Službene novine Federacije BiH", br.4/06, 8/10 i 81/14).

Član 68. stav 1. Zakona o lovstvu propisuje: "Korisnik lovišta dužan je preduzimati mjere za sprječavanje šteta koju divljač može učiniti imovini ili ljudima na zemljištu i vodi na kojima se nalazi lovište (održavanje broja divljači prema kapacitetu lovišta, obezbjeđenje prehrane u lovištu, postavljanje čuvara i dr.).

Članom 68. stav 2. Zakona o lovstvu propisano je: "Vlasnici zemljišta i stoke, odnosno korisnici zemljišta na kome je osnovano lovište dužni su na zemljištu, objektima gdje stoka boravi i opremi koja se koristi u obradi zemlje preduzimati uobičajene mjere za sprječavanje šteta od divljači i na divljači (učinkovitim ogradama, električnim pastirom, postavljanjem plašila, zaštitom mladih sadnica omotavanjem ili premazivanjem, ispašom stoke sa pastirom na površinama dozvoljenim za pašu, postavljanjem plašilica na kosačice i kombajne, sudjelovanjem u organiziranom pogonu i sl.)

Članom 68. stav 3. Zakona o lovstvu propisano je: „Mjere iz stava 2. ovog člana propisuje kantonalni ministar“.

Shodno gore navedenom, kantonalno ministarstvo nadležno za poslove lovstva, odnosno kantonalni ministar u skladu sa zastupljenosti vrsta divljači koja obitava na području tog

kantona i specifičnosti šteta od tih divljači propisuje mjere koje su obavezni poduzimati vlasnici zemljišta i stoke, poljoprivrednih i šumskih kultura, u cilju sprečavanja šteta koje divljač može pričiniti imovini ili ljudima na zemljištu i vodi na kojima se nalazi lovište.

Mjerama u cilju sprečavanja šteta od divljači i na divljači ("Službene novine Kantona Sarajevo" br. 18/07 i 20/15) donesenim od strane Ministarstva privrede Kantona Sarajevo propisane su mjere koje su dužni provoditi vlasnici zemljišta i stoke, odnosno korisnici zemljišta na kojem je osnovano lovište, poljoprivrednim i šumskim kulturama, objektima gdje stoka boravi i opremi koja se koristi u obradi zemlje.

Ako se neka od propisanih mjera pokaže neefikasnom ili neprimjenljivom nadležni kantonalni ministar istu može izmijeniti i dopuniti.

**S poštovanjem,**



**Dostavljeno:**

1. Naslovu...x 2;
2. FMPVŠ, Sektor za šumarstvo i lovstvo;
3. Arhiva.